



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-030-3/22**
Datum: **04.04.2022. godine**

„Agencija za vodno područje rijeke Save“ Sarajevo rješavajući po zahtjevu pravnog lica „BINGO“ d.o.o. Export import Tuzla „DITA 1977“ Tuzla za donošenje rješenja o vodnoj dozvoli za ispuštanje tehnoloških otpadnih voda sa lokacije poslovno-proizvodnog objekta- pogona za proizvodnju deterdženata, sredstava za dezinfekciju i sredstava za pranje i poliranje, izgrađenih u industrijskoj zoni grada Tuzla u ulici Husinskih rudara bb, općina Tuzla, na osnovu člana 109. stav (1) tačka 2. Zakona o vodama („Službene novine Federacije BiH“, broj 70/06) i člana 200. stav (1) Zakona o upravnom postupku („Službene novine broj 2/98 i 48/99), donosi:

R J E Š E N J E **o vodnoj dozvoli**

1. Pravnom licu „BINGO“ d.o.o. Export import Tuzla „DITA 1977“ Tuzla daje se vodna dozvola za ispuštanje tehnoloških otpadnih voda sa lokacije poslovno-proizvodnog objekta- pogona za proizvodnju deterdženata, sredstava za dezinfekciju i sredstava za pranje i poliranje, izgrađenih u industrijskoj zoni grada Tuzla u ulici Husinskih rudara bb, općina Tuzla.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
3. Vodna dozvola se daje na osnovu činjeničnog stanja utvrđenog pregledom dostavljene projektne i druge dokumentacije, dinamičkog plana, izvršenog uviđaja na lokaciji objekta i pod slijedećim uslovima:
 - 3.1. Da pravno lice, „BINGO“ d.o.o. Export import Tuzla „DITA 1977“ Tuzla obezbijedi da se sistem za prikupljanje, prečišćavanje i ispuštanje otpadnih voda sa lokacije poslovno-proizvodnog objekta- pogona za proizvodnju deterdženata, sredstava za dezinfekciju i sredstava za pranje i poliranje, održava u funkcionalnom stanju i koristi u skladu sa namjenom i uslovima iz ove vodne dozvole.
 - 3.2. Da se redovno vrši ispitivanje vodonepropusnosti rezervoara za sirovine i zaštitnih tankvana oko rezervoara i poduzmu sve odgovarajuće mjere da budu osposobljeni u skladu sa važećim propisima za održavanje sigurnosti od akcidentnih zagađenja.
 - 3.3. U toku važenja ovog Rješenja, korisnik predmetnih objekata je obavezan poduzeti sve potrebne mjere kako bi kvalitet tehnološki otpadnih voda sa predmetne lokacije, a prije ispuštanja u recipijent, zadovoljio granične vrijednosti u skladu sa članom 15. Uredbe o uslovima ispuštanja otpadnih voda u okoliš i sisteme javne kanalizacije.
 - 3.4. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa članom 19. stav (4) Uredbe o uslovima ispuštanja otpadnih voda u okoliš i sisteme javne. Učestalost i način ispitivanja vršiti u skladu sa članom 20. navedene Uredbe, a rezultate analiza dostaviti ovoj Agenciji.
 - 3.5. Čišćenje taložnika, separatora i pratećih elemenata, te odvoz i konačno zbrinjavanje otpadnog mulja i taloga, kao i opasnog otpada sa lokacije „BINGO“ d.o.o. Export import Tuzla „DITA 1977“ Tuzla može vršiti isključivo firma ovlaštena za tu vrstu djelatnosti, prema sklopljenom ugovoru. O načinu i vremenu radova održavanja, odnosno o pražnjenju, odvozu i zbrinjavanju sadržaja taložnika i separatora ulja i masti, neophodno je voditi službenu evidenciju i arhivu.
 - 3.6. Skladištenje i pretakanje mazuta vršiti u skladu sa Zakonom o naftnim derivatima u Federaciji Bosne i Hercegovine (Službene novine Federacije BiH br. 52/14) i propisima iz ove oblasti, a na način da se spriječe dospijevanje mazuta u podzemne i površinske vode.
 - 3.7. Na predmetnoj lokaciji nije dozvoljeno indirektno ispuštanje otpadnih voda u podzemne vode.
 - 3.8. Da se u skladu sa propisima iz oblasti zaštite okoliša vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).

- 3.9. Osigurati priručna sredstva za brzu intervenciju u slučaju nekontrolisanog rasipanja i isticanje tečnog opasnog otpada i naftnih derivata, kako bi se spriječilo moguće onečišćenje voda i tla.
- 3.10. Investitor je obavezan pridržavati se svih mjera i uslova propisanih u saglasnostima i dozvolama, izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U periodu važenja ove dozvole, Korisnik je dužan provoditi sve mjere i aktivnosti propisane istom.
6. Ukoliko radom predmetnog objekta dođe do šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
7. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
8. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog objekta sa pratećim sadržajima obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
9. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
10. Ova vodna dozvola, shodno članu članu 117. stav (1) Zakona o vodama se daje sa rokom važenja od 5 (pet) godina od dana pravosnažnosti ovog rješenja.
11. Prije isteka važnosti ove dozvole, Investitor je dužan da podnese zahtjev za izdavanje nove vodne dozvole.
12. Ova vodna dozvola može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev.

O b r a z l o ž e n j e

Pravno lice „BINGO“ d.o.o. Export import Tuzla „DITA 1977“ Tuzla obratilo se ovoj Agenciji sa zahtjevom bez broja od 18.01.2022 godine, za donošenje rješenja o vodnoj dozvoli za ispuštanje tehnoloških otpadnih voda sa lokacije poslovno-proizvodnog objekta- pogona za proizvodnju sapuna, deterdženata, sredstava za pranje i poliranje izgrađenih u industrijskoj zoni grada Tuzla u ulici Husinskih rudara bb, općina Tuzla.

U provedenom postupku, uz zahtjev za donošenje rješenja o vodnoj dozvoli, dostavljena je i pregledana slijedeća dokumentacija:

- A. Opšta dokumentacija
- Rješenje o izmjenama podataka u sudskom registru broj: 032-0-Reg-21-001863 od 17.11.2021. godine izdat od strane Općinskog suda u Tuzli-ovjerena kopija;
 - Ovjerena kopija Uvjerenja o poreskoj registraciji od 05.02.2013. godine, izdatog od strane Porezne uprave- Kantonalni ured Tuzla;
 - Dokaz o uplaćenju upravnoj pristojbi i administrativnoj taksi;
 - Posjedovni list broj 1678 broj: 07-7-1584/22-1 od 15.02.2022 godine izdat od strane Službe za geodeske i imovinsko-pravne poslove Tuzlanskog kantona,
 - Zemljišnoknjižni izvadak broj ZK uložka 2177 od 11.02.2022 godine izdat od strane Općinski sud u Tuzli,
 - Identifikacija parcela od 15.02.2022 godine od strane Službe za geodetske i imovinsko-pravne poslove, Grad Tuzla,
 - Kopija katastarskog plana broj plana 4, UR broj: 07-27-1584/2022-2 od 15.02.2022 godine od strane Službe za geodeske i imovinsko-pravne poslove, Grad Tuzla,

- Kopija Rješenja o odobrenju za upotrebu broj: 03-361-150/80 od 07.04.1987. godine izdato od strane Republičkog sekretarijata za urbanizam, stambene i komunalne poslove,
- Rješenje o vodnoj dozvoli br. UP-I/25-3-40-715-3/16 od 23.02.2017. godine, izdato od «Agencije za vodno područje rijeke Save» Sarajevo,
- Rješenje o izmjeni Rješenja o vodnoj dozvoli br. UP-I/25-3-40-715-5/16 od 09.11.2017. godine, izdato od «Agencije za vodno područje rijeke Save» Sarajevo,
- Rješenje o okolinskoj dozvoli broj: UP-05/2-23-11-81/16 FM od 01.02.2017 godine izdato od strane Federalno ministarstva okoliša i turizma,
- Zahtjev za izdavanje okolinske dozvole upućen prema Federalnom ministarstvu okoliša i turizma dana 27.01.2022 godine
- Izvještaj o ispitivanju kvalitativnih i kvantitativnih karakteristika efluenta, urađen od strane «TQM» d.o.o. Lukavac, juni i novembar 2021 godine,
- Zahtjev za izdavanje okolinske dozvole (plan aktivnosti) za poslovni kompleks „DITA“ d.d. Tuzla urađen od strane „Instituta za zaštitu, ekologiju i obrazovanje“ d.d. Tuzla, maj 2016. godine,
- Račun za utrošenu vodu i odvođenje otpadnih voda broj: 565630-21-008460 od 28.12.2021. godine izdat od strane JKP „Vodovod i kanalizacija“ d.o.o. Tuzla,
- Šema razvoda vode i kanalizacione mreže „DITA“ d.d. Tuzla

B. Tehnička dokumentacija

- Glavni projekat sakupljanja, tretmana i ispuštanja otpadnih voda sa prikazom postojećeg stanja, za poslovni objekat pravnog lica urađen od strane „TQM“ d.o.o. Lukavac, februar 2022 godine- uvid prilikom uviđaja.

Postupajući po podnesenom zahtjevu, u skladu sa članom 12. stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata („Službene novine Federacije BiH“ broj 31/15, 55/19 i 41/20), ovaj organ je pokrenuo upravni postupak, te je dana 18.03.2022. godine izvršen uviđaj na predmetnoj lokaciji poslovno-proizvodnog objekta- pogona za proizvodnju sapuna, deterdženata, sredstava za pranje i poliranje o čemu je sačinjen Zapisnik o uviđaju broj: UP-1/21-3-40-030-2/21.

Na osnovu pregleda projektne dokumentacije i izvršenog uviđaja na predmetnoj lokaciji utvrđeno je slijedeće:

Lokacija poslovnog kompleksa-pogona za proizvodnju sapuna, deterdženata, sredstava za pranje i poliranje pravnog lica „DITA“ d.d. Tuzla, nalazi se u industrijskoj zoni grada Tuzla u ulici Husinskih rudara bb.

Na lokalitetu predmetnog poslovnog objekta nalaze se sljedeće cjeline: upravna zgrada, pogoni za proizvodnju proizvodnje praškastih deterdženata koji uključuje i postrojenje za rastvaranje čvrstog natrijum silikata, pogon proizvodnje tečnih deterdženata, pogon proizvodnje sredstava na bazi agresivnih hemikalija, prostor za pakovanje deterdženata, prostor za kontrolu kvaliteta sirovina i gotovog proizvoda (laboratorija), rezervoari za skladištenje tečnih sirovina, rezervari za skladištenje tečnog goriva (mazuta), skladište praškastih sirovina, skladište gotovih proizvoda, sabirni bazen tehnoloških otpadnih voda, dva separator ulja i masti, saobraćajne površine i dr.

Osnovna djelatnost firme „DITA“ d.d. Tuzla je proizvodnja sapuna, deterdženata, sredstava za pranje i poliranje, sredstava za dezinfekciju. Maksimalni kapacitet proizvodnje praškastih deterdženata u predmetnom poslovnom kompleksu je 5 tona po satu dok je trenutni kapacitet proizvodnje 4 tone po satu, a trenutni kapacitet proizvodnje i pakovanja na tečnom pogonu 1,5 do 2 t/h u zavisnosti od vrste proizvoda i složenosti procesa proizvodnje.

Snabdijevanje vodom za potrebe predmetnog objekta vrši se priključkom na gradski vodovodni sistem kojim upravlja JKP „Vodovod i kanalizacija“ d.o.o. Tuzla.

Tečne sirovine su propisno uskladištene u nadzemne rezervoare smještene u betonsku tankvanu.

Na odvodu iz tankvane ugrađen je ventil koji se u slučaju incidentnog izlivanja hemikalija u tankvanu zatvara i time sprečava izlivanje hemikalija u kanalizaciju.

Smještaj mazuta za tehnološke potrebe vrši se u dva nadzemna rezervara ukupne zapremine 800 m³ (2x400 m³) koji su smješteni u betonsku tankvanu.

Tečne sirovine su propisno uskladištene u nadzemne rezervoare smještene u betonsku tankvanu. Na odvodu iz tankvane ugrađen je ventil koji se u slučaju incidentnog izlivanja hemikalija u tankvanu zatvara i time sprečava izlivanje hemikalija u kanalizaciju.

Kapaciteti tečnih sirovina u rezervoarima su:

1.15TK1 -- Vodeno staklo (silikat), kapacitet rez. je 127 m³

2.15TK2 -- Lužina (Na OH-natrijum hidroksid), kapacitet rez. je 127 m³ (rezervoar trenutno koristi firma KEMOKOP)

3.13TK3 -- DDBS (dodocilbenzolsulfonska kiselina), kapacitet rez. je 127 m³

- 4.13TK4 – Kapacitet rez. je 27 m³ i trenutno je prazan
5.15TK5 – PrepagenTQ Esterquet, kapacitet rez. je 127 m³
6.13TK6 – kapacitet rez. je 127 m³
7.13TK7 – Vodeno staklo (silikat), kapacitet rez. je 127m³
8. Dva plastična rez. za skladištenje HCl-Solna kiselina 30 % a kapaciteta po rez. je 10 m³.

Tehnološke otpadne vode nastaju u toku procesa proizvodnje sapuna, deterdženata i sredstava za pranje i poliranje (doziranje, miješanje, pakiranje, skladištenje, laboratoriji i dr.), od pranja opreme koja je korištena u procesu proizvodnje kao od pranja radnih površina. Ove otpadne vode sadrže komponente koje se nalaze u samom proizvodu – deterdentu te se iste skupljaju u sabirni bazen u kome se vrši taloženje a potom prebacuju u tank te preko odgovarajuće pumpe vraćaju u proces proizvodnje. U slučajevima da dođe do preliivanja sabirnog bazena ove vode se odvođe u oborinsku kanalizaciju i preko separatora-taložnika ispuštaju u internu kanalizaciju POLIHEM-a, a potom zajedno sa otpadnim vodama ispuštaju u rijeku Jalu. Čišćenje sabirnog bazena i separator- taložnika se po potrebi vrši od strane ovlaštene firme.

Izveštaji o monitoringu kvaliteta i kvantiteta tehnoloških otpadnih voda urađeni od strane «TQM» d.o.o. Lukavac, juni i novembar 2021 godine pokazuju da su vrijednosti parametara efluenta u skladu sa dozvoljenim vrijednostima propisanim Uredbom o uslovima ispuštanja otpadnih voda u okoliš i sisteme javne kanalizacije.

Na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodnom dozvolom u tački 3. dispozitiva Rješenja propisani uslovi u skladu sa odredbama članova 53. i 116. Zakona o vodama, člana 12. i 13. Pravilnika o sadržaju, obliku, uvjetima načinu izdavanja i čuvanja vodnih akata i odredbama člana 3. tačka cc) i tačka s) Uredbe o uslovima ispuštanja otpadnih voda u okoliš i sisteme javne kanalizacije.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07).

Na osnovu provedenog postupka konstatuje se da je podnosilac zahtjeva, „BINGO“ d.o.o. Export import Tuzla „DITA 1977“ Tuzla ispunio minimum uslova za izdavanje vodne dozvole za ispuštanje oborinskih onečišćenih voda te je riješeno kao u dispozitivu ovog rješenja.

Podnosilac zahtjeva je na ime izdavanja ovog vodnog akta izvršio uplatu pristojbe iz tar. broj 43. Zakona o federalnim upravnim pristojbama i Tarifi federalnih upravnih pristojbi („Službene novine Federacije BiH“, broj 06/98, 8/00, 45/10 i 43/13).

Uputa o pravnom lijeku:


Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Voditelj postupka:

Behija Ahmedić, dipl.inž.tehn.

Po ovlaštenju
Rukovodilac sektora za izdavanje vodnih akata



Haris Ališehović, dipl.inž.građ.

Dostaviti:

- „BINGO“ d.o.o. Export import Tuzla „DITA 1977“ Tuzla, Bosanska poljana bb, Tuzla
- AVP Sava, ISV – Vodna knjiga
- Sektor 50
- Sektor 40, arhiva
- Oglasna ploča AVP Sava